



41403

I

Mag. St. Dr.

P

1953

Sermo

ad Confratres Parochos de  
canatus Lathoriensis sub  
tempus congregat. decanalis  
a. 1753 - habitus.

Biblioteka Jagiellońska



stdr0003326

# S E R M O

*ad Confratres Parochos*

Decanatûs Zathorienſis,

ſub tempus Cōgregationis Decanalis

*Anno Domini MDCCCLIII.*

per M. ANDREAM LIPIEWICZ,

pro tunc U. J. Profefſorem, ac Eccleſiæ Pa-  
rochialis Palezovienſis in eodem Decanatu

Zathorienſi Curatum

## H A B I T U S,

nunc in contellationem affectûs er-

ga eundem Decanatum,

*addiſ quibûſdam Meditationibûs*

de Sacerdotio

ex Sacra Scriptura,

*cum facultate Superiorum.*

*in lucem publicam*

## E D I T U S.



Posnaniæ 1764. Typis Academicis.



I  
e  
e

*Oraciones  
Academicæ.*

us ad Moysen:

rdotes. Sancti

& non pollu.

incensum e-

num Domini & panes DEI sui  
offerunt, & ideo sancti erunt.

Lev: 21. v. 1. 56.

41403

I b

# Perillustribus, Illustribus &

Admodum Reverendis Dominis  
PRÆPOSITIS, CURATIS,  
tori q; Inclyto Decanatu Zathoricensi,  
Patronis Observandissimis,  
Author Operis  
Salutem dicit.

*Animi mei studium, quod litteris  
declarandum, testandumq; Vo-  
bis, Patres Amplissimi, esse cen-  
sui, ea, præter alias, causa impul-  
siva fuerat, mutua illa nostrum cō-  
versatio, mutuus ille noster cōgres-  
sus, mutuus ille noster confessus, ac  
illibatus non fucatæ amicitie can-  
dor, quo invicem ferebamus, & cu*

jus vivā imago ad hunc diem usq;  
immo (dubitare non ausim) ad vi-  
tæ tempora cordibus nostris hæret,  
hærebitve.

Hinc est, quòd ad perpetuum  
meum erga Vos, Patres Amplif-  
simi, cultum & observantiam per-  
tinere putavi, Sermonem hunc,  
quem, anni decem abierunt, quomo-  
do congregatis coram Vobis in unū  
protuli, in præsentiarum in lucem  
hominum prodeuntem, tepentē ad-  
huc à prelo Vobis sinè mora mitte-  
re: ut vestræ erga me benevolentiae,  
qua indies me Confratrem Vestrū  
non dedignati fuistis prosequi, si nō  
in persona, saltem corde & affectu  
corresponderem.

Nec



*Nec despectui ducite, quòd ex  
se sit exiguus, cùm ex bona volun-  
tate Vestra magnus fiet: etenim pa-  
rum auri multis plumbi librìs  
præstat, & parva lux densissi-  
mìs tenebrìs, præstat & breve  
Regnum diuturnæ Tyrannidi.*

*Cùm verò Vos, Patres Am-  
plissimi, tam exiguũ opus magna  
erga me humanitate excipietis: e-  
go ut Vos incolumes servet,*

*Cui pluvix guttæ, Cui cognitus  
omnis arena*

*Est numerus, ventique viæ:*

*Et ut dilatet corda Vestra ad audē-  
dum pro Juribus Ecclesiæ, quæ au-  
dere non possunt, nisi potentes: ut  
det Vobis linguam ad docendũ, quæ  
docere non possunt, nisi DEUM ti-*

*men-*

mentes.: ut det Vobis manus ad o-  
perandū, quæ operari non possunt,  
nisi misericordes. Ædificetur mori-  
būs vestris populus, reveatur grex  
vultum Vestrum, timeat firmita-  
tem pectoris Vestri obstinatus, cum  
que messem animarum maximam in  
horrea Domini convexeritis, susci-  
piat animam Vestram Pastor Pa-  
storum Dominus, detque Vobis  
quod promisit, quia Vos fecistis,  
quod jussit. Valete. Datum Po-  
snaniæ. 4tō Nonas Januarii.  
MDCCLXIV.



# S E R M O

*Obsecro Vos, ut dignè ambuletis  
vocatione, qua vocari estis.*

Ephes: 4. v. 1.

**I**N hóc sacerrimo Vestrum congres-  
su de illis mihi potissimum dis-  
serendum venit, quæ ad inclyti  
status Sacerdotalis antiquam glo-  
riam spectant: ut hæccemet, quæ in-  
feliciū temporum declivi gressu ad  
occasum vergere videtur, novo pos-  
sit oriente renasci: & sicut de Phæ-  
nice intermoriēte dicitur, etiam è  
suis cineribus suscitari. Proponam i-  
gitur Vobis Patres Amplissimi non sub-  
tilia, sed utilia: non diserta & eru-  
dita, sed fortia ac efficacia: non quæ  
aures mulceant, aut ungant, sed quæ  
mentes excitent, & pungant, mune-  
risq; sui communefaciant quemlibet  
nostrum.

Et quidem non mea erunt, quæ proferam, sed Spiritûs Sancti eloquia: optârimque hodie, ut Dominus exacuat & dirigat linguam meam quasi calamus scri-  
*Psal: 44. v. 2* bæ velociter scribentis: ut in tabulis cordium vestrorum dignum aliquid valeat exarare. Optârim, ut ponat os  
*Isai: 49. v. 2* meum quasi gladium acutū, & sagittam electam, intima penetrantem: sagittam salutis, quæ vulnerando sanat, quæ ulcus pungat, virus expungat: gladium vivum & ancipitem ad divisionem animæ perurgentem, ut omne amaritudinis germen amputet, & demetat omnem altitudinem extollentem se contra DEUM.

Exordior igitur, & Apo-  
sto.

stoli verbis Vos alloquor: ob-  
secro Vos, ut dignè ambule-  
tis vocatione, qua vocati estis.

O! quàm præclara sunt  
hæc Apostoli monita, seria  
consideratione expendenda:  
*fidelis sermo, & omni acce-* *1. Tim: 4. v.*  
*ptione dignus.* Expēdite me- *9.*  
cum parumper hæc salut fe-  
ra Doctoris Gentium verba:  
*obsecro vos, ut dignè &c.*  
ego Vobis quam in sortem  
vocati sumus, & cur? bre-  
viter proponam. Tu vetò  
Spiritus Sacratissime illumi-  
na sensus & corda nostra.

**N**Omen ac Munus Sacer-  
dotale quantæ æstimati-  
onis, quantæ dignitatis fu-  
isse priscis, ac esse modernis  
temporibus, nemo est, qui  
ambigat: loquūtur id Sacra,  
As lo.



loquuntur etiam omnium  
 Gentium literæ atq; linguæ.  
 Etenim quemadmodum ni-  
 hil unquam certius extite-  
 rat, quàm DEUM esse: cùm  
 id ab ipsa natura hausimus,  
 immo cum ipsa natura no-  
 bis congenitum, atq; omni-  
 um hominum impressum,  
 necnon insignitū animis sit,  
 Psal: 4. v. 7. dicente Propheta -- *signatū*  
*est super nos lumē vultus tui*  
*Domine,* - ita nulla Natio  
 tam fera, nulla omniū tam  
 inimans, nulla tam barbara  
 fuit, quæ ignoraret in omni  
 Republica quosdam dari ne-  
 cessarios ritus, quibus & Deo  
 debitus cultus exhibeatur, &  
 Sacrificiorum oblatio procu-

DD. inl veretur, Religioque erga Deum  
 latè ff delus habeatur.

& Iur.

D. Th: 2. 2.

q. 85. ar: 1.

Hinc asserit D. Thomas:

Sa-

Sacrificium Deo offerre, esse legis naturæ: adeoque facile nostra ratio convinci valet, statim crescente Mundo crevisse quoque Sacerdotum officium, ab ipsisq; Mundi cunabulis Sacrificiorum natam fuisse institutionem, præeuntibus Nobis exemplò *Cain & Abel*, exin *Nodé & Abraham*, tandè *Jacob & Moyses*, cæterisque Veteris Testamenti Patriarchis.

Et ut prætermittam eos, quos lumen fidei accendit: ipsi Gentiles, Ethnici, ipsi crassis ignorantiæ circumfusi tenebris, Doemonum astutiæ & dolò illusi, attamen DEI Veri Omnipotentiam Majestatemque, illis, illis, è lapide, è ligno, è metallo, sculptis, excisis, fabricatis idolis ad-

adscripterunt , atque eadem  
Deorum instar venerati, sa-  
crificia eisdem obtulerunt ,  
statueruntq; Mystas , Popas  
ac Sacerdotes, qui hoc singu-  
lari munere fungerentur: a-  
deò, ut hæc Sacerdotalis di-  
gnitas , apud omnes Natio-  
nes & Gentes , apud omnes  
cujusque status & conditio-  
nis homines, inq; omni Re-  
publica præ amplissimo ho-  
noris gradu æstimatâ fuerit.

*Lamormaini.*

*in vita cap:*

9.

Apprime facit illud *Fer-*  
*dinandi II.* dictum: occur-  
rentibus sibi eodem loco ac  
tempore , Angelo & Sacer-  
dote, se primùm Sacerdoti,  
deinde Angelo honoris offi-  
cium persoluturum. Quod  
ipsum jam antea Ethnicus  
ille, *Alexander Magnus*, Græ-  
ciæ & Universi terror, opẽ-



re complevit, quando contra Judæos irā accēsus, quòd Dario Persarum Regi tulissent auxilium, ingressus Hierosolimam ad ulciscendum, occurrenti sibi Pontifici cum Sacerdotibus, illico equò descendit, nixûsq; humi genibus adorans, respondit: --

*non hunc, sed Deum adoro, cuius Principatu Sacerdotii functus est.*

*Joseph: Antiqu: Iud: lib. 11. cap. 8.*

Et hæc erat origo, hic fōs, ex quo promanavit non ad paucas Gentes, quibus cum lege, tum consuetudine cautum fuerat: ut ad Regæ dignitatis splendorem, atque authoritatem confirmandā, Rex foret simul Sacerdos:

Hanc ob causam magnus ille *Mercurius Ægyptius* se *Trismegistū* nominavit, quo

ti-

titulo sese tripliciter esse  
magnum innuit: magnum  
videlicet Sapientē, magnum  
Regem, magnum Sacerdotē.

*Xenophon* insuper generatim

*S. Isidor: lib* omnes Reges *Lacedæmonios*  
*7. Ethym:* etiam Sacerdotes esse asserit,  
*cap: 12.* quod & primi Romanorum

Reges, dein Imperatores ob-  
servârunt Unde canit Pœta:

*Virgil: 3.* Rex *Anio*, Rex idem homi-  
*Æneid.* num, Phœbique Sacerdos.

Quid plus: vulgò dicebatur,

*S. Ambr: E-* ut refert *S. Ambrosius*, Impe-  
*pist: 33 ad* ratores Sacerdotium magis o-  
*Marcellinam* ptâsse, quàm Imperium Sa-  
*Serorem.* cerdotes.

Verū ne videar sacris mi-  
scere profanā, Melchisedech  
fuisse Regem Salem, & Sacer-  
dotem DEI Altissimi, obtu-  
lisseque Sacrificium panis &

*Gen: 14. v. 1.* Vini, testatur Scriptura: quod  
in

novo Testamento excellen-  
tissimum prædicatur. Quid  
dignius? quid excellentius  
unquam excogitari potest?  
quàm comparari ipsi Supre-  
mo Sacerdoti secundum Or. Psal: 110. v.  
dinem Melchisedech, Christo 4.  
Domino. Et ecce ipse Sal-  
vator dicit, ac si idem foret  
dicere: esse JESUM Christum,  
& esse Sacerdotem: esse Sa-  
cerdotem, & esse JESUM  
Christum; dum dicit -- qui  
vos audit, me audit: & qui Lucæ 10. v.  
vos spernit, me spernit. Verè 16.  
dignitas Sacerdotalis, digni-  
tas ipsius DEI, juxta illud  
Prophetæ -- qui tangit vos, Zachar: 7.  
tangit pupillam oculi mei: & 7. 8.  
qui Sacerdotes inhonorave-  
rit, Deum inhonorat, & Do. S. Ignat: ep:  
minum JESUM Christum 10. ad Smyrn  
Primogenitum omnis Creatu-  
re 16.



*ra. Meminerimus ergo, quā  
 in sortem vocati sumus, ec  
 Colos. 1. v. 12* *ce in partem sortis Sanctorum  
 in lumine: ecce in sortem il-  
 1. Petr. 2. v. 9* *lam, in qua Genus electum,  
 Regale Sacerdotiū, Gens San-  
 cta, Populus acquisitionis ef-  
 ficimur: ecce in sortem il-  
 S. Ignat. ep. lam, quam S. Ignatius Mar-  
 20 ad Smyr tyr apicem bonorum esse o-  
 mines. mnium, quæ sunt in homi-  
 nibus, affirmat. .*

Adferrem Vobis innume-  
 ra Sanctorum Patrum & Do-  
 ctorum, sortis sive status Sa-  
 cerdotalis elogia, ni scirem  
 me brevitati studere, & Vo-  
 bis hæc omnia trita, & be-  
 ne practicata esse. Nihilota-  
 men minus placeat illud au-  
 scultari effatum, quod Ble-  
 47. *Blesens. ser: sensis scribit: Sacerdos est Co  
 adjutor Redemptoris, Consili-  
 ari-*

arius Domini Sabaoth : cuius  
consilio offensi redeunt in gra-  
tiam DEI sui, hic est Dapi-  
fer Mensæ Christi. Aut quod  
S. Gregori⁹ Nazianzen⁹ an-  
notavit: O Sacerdotes! <sup>MunS. Gregorius</sup>  
di fundamenta! Christianæ <sup>Nazianz ad</sup>  
fidei columnæ, immortalis vi- <sup>Episcopos,</sup>  
tæ Doctores, Christiferi. Ali-  
orum ut dixi prætermitto e-  
logia, illud prætermittere  
nequeo, quod S. Laurentius  
Justinianus de Dignitate Sa-  
cerdotali scribit: Magna pro <sup>Laur. Justi-</sup>  
sus & admiranda <sup>nian. Ser. de</sup>  
sacerdotum <sup>Corpor. Xsti,</sup>  
est dignitas, maxima est illis  
collocata potestas, sua namque  
prolatione, & ad eorum pene-  
libitum Corpus Christi de pa-  
nis transubstantiatur mate-  
ria: descendit de Cœlo in Car-  
ne Verbum, & Altaris veris-  
simè reperitur in Mensa Hoc

illis prærogatum est gratia;  
quod nunquam datum est An-  
gelis. Assistunt DEO, Illum  
contrectant manibus, tribuunt  
populis, in seque suscipiunt.

Hic Rhodus, hic saltus, cur  
ad hanc sortē vocati sumus?  
Ergo ut indulgeamus illece-  
bris carnis, & vanitati Mū-  
di. Ergo ut studeamus im-  
potationibus, temulentiae &  
S. Chrysolog. ebrietati, quæ in alio crimen  
Serm. 20. est, in Sacerdote sacrilegium.  
Ergo ut vias pessimas am-  
bulemus, & circulos vitio-  
sos contra sanā rationis Phi-  
losophiam faciamus, juxta  
Ps. 11. v. 9. illud: in circuitu impii ambu-  
lant.

Absit, absit hæc opinio me-  
ti. Audiamus Doctorem Gen-  
tium adhortantē nos omnes -  
Rom. 13. v. 9. sicut in die honestè ambulem.  
13. non



non in comessationibus & e-  
brietatibus, non in cubilibus &  
impudiciis, non in contentio-  
ne & emulatione: -- immo  
fulminantē contra nos -- ma-  
nifesta sunt opera carnis, quæ Gal: 5 v. 19.  
sunt fornicatio, immunditia,  
impudicitia, luxuria, inimi-  
citiæ, contentiones, emulatio-  
nes, iræ, dissensiones, discordiæ,  
homicidia, ebrietates, cōessati-  
ones, & his similia, quæ præ-  
dico vobis: quoniam qui talia  
agunt Regnum Dei non con-  
sequuntur. Ponderate verba,  
si recordamini, quæ Episco-  
pus ordinatis in exhortatio-  
ne ad quemlibet nostrum  
pronuntiavit -- Consecrandi  
Filii Dilectissimi in Presbyte-  
ratus officium, illud dignè sus-  
cipere, ac susceptum lauda-  
biliter exequi studeatis. Sæ

sacerdotem enim oportet offerre, benedicere, præesse, prædicare, & baptizare, cum magno quippe timore ad tantum gradum ascendendum est, ac providendum, ut Cœlestis Sapiëntia, probi mores, & justitiæ observatio, ad id electos cõmendent. - Et ulterius - Tales itaq; esse studeatis, ut in adjutorium Moysi, & duodecim Apostolorũ, & Episcoporũ, qui per Moysen & Apostolos figurantur, dignè per gratiam Dei eligi valeatis. Itaq; Filii Dilectissimi, quos ad Nostrum adjutorium, Fratrum Nostrorum arbitrium consecrandos elegit, servate in moribus Vestris castæ & sanctæ vitæ integritatem: agnoscite, quod agitis: imitamini, quod tractatis. Mortis Dominicæ Mysterium celebrantes, mortificare membra Vestra à vitis & concupiscentiis omnibus procuretis. Sit doctrina Vestra spiritalis medicina populo Dei. Sit odor vitæ delectamentum Ecclesiæ Christi, ut prædicatione, atque  
exem-

*exemplò edificetis domũ, idest, Famili-  
am Dei: quatenus nec Nos de Vestra  
protectione, nec Vos de tanti Officii  
susceptione damnari à Domino, sed re-  
munerari potius mereamini. Verba  
sunt Episcopi consecrantis. Ecce ergo  
finis, ob quẽ in sortẽ hãc vocati sumus.*

Verũ enim verò quis non lugeat  
multorũ cæcitatẽ, qui Statũs, in quo  
à Deo positi sunt, immemores, sic se-  
gerunt, quasi res exiguĩ foret mome-  
nti, quando agitur de dispendio gratiæ,  
de animæ incolumitate, de æternita-  
tis discrimine. Quis sanæ mentis cũ  
iudicet? qui salutem æternam tam-  
carò pretiò à Filio Dei emptam for-  
tunæ ac forti volubili exponere nihil  
veretur, aut æternitatis incertam a-  
leam jactare parat? Ideo ita seriò, i-  
ta paternis visceribus nos Apostolus  
præmonet, obsecrat, obtestatur, ut  
solliciti simus, nostra quisque voca-  
tione ambulare: ne ignorantes nos-

*Gen. 11. v. 7. metiplos, abeamus, post ve-  
stigia gregum, post vestigia  
hædorum, animali inquam  
conversazione, quæ non sa-  
pit, quæ Dei sunt: ne aber-  
remus per latum iter Mun-  
di, per abrupta cupiditatū,  
per anfractus vitiorum, de  
quibus non invenientes po-  
stea exitum, æternum tandē  
sortiamur exitum.*

*Non latet nos, quod olim  
Rex Sodomorum dixit ad A-  
Gen. 14. v. 12. brabam: da mihi animas, cæ-  
tera tolle tibi. Verū & hoc,  
quod in libro Judith legimus,  
Judith 8. v. 1. non nos latet. - Vos estis Pre-  
sbyteri in populo Dei, & ex  
vobis pendet anima illorum.  
Sumus instar Matris uterum  
ferentis, quæ si vivit, uni si-  
bi non vivit, sola non mor-  
titura: ita & nos nobismetip-*

*lis*



sis vivimus, sed animarum  
 salutis: quas si vitæ inhonestate  
 perdimus, si pravô exēplô  
 mactamus, si negligentia no-  
 strâ in administranda cura  
 animarum aberrare à via ve-  
 ritatis, mandatorūq; Dei faci-  
 mus, ac illas in fauces leonis,  
 qui circuit querens quē devo 1. Petr. 5.  
 ret, intrudimus, requireret eas v. 8.  
 Deus justus Judex vivorū & A. 10. v. 42  
 mortuorū de manibus nostris:  
*da mihi animas. Da mihi ani-*  
*mas, in templis: da mihi ani-*  
*mas, in Lycæis: da mihi ani-*  
*mas, in Curiiis: da mihi ani-*  
*mas, in aulis: da mihi animas,*  
*in caulis: da mihi animas, in*  
*nosocomiis: da mihi animas,*  
*in ergastulis: da mihi animas,*  
*etiam in rotis & patibulis:*  
*da mihi ubique, ubique, ubi-*  
*quē, animas, animas, animas.*

Et hoc est, quid dixit cō-  
munefaciēdo nos omnes Prin-  
cip. Petr. 5 v. 2. ceptus Pastorum Petrus -- pa-  
scite, qui in vobis est, gregem  
Dei - quasi hac verborū for-  
mula, veluti intentō digitō  
demonstrans nobis, quomo-  
do tota gregis incolumitas  
ex nostra pendeat incolumi-  
tate, nos enim illummet ac si  
sinu quodam circumferim⁹,  
cujus proin eam rationem  
habere oportet, quam foetus  
sui, ut dixi, habet mulier  
gravida, quæ tantā ejus,  
quantā sui curā angitur.

O tempora! o mores! ubi  
pietatis antiquus vigor! ubi  
disciplinæ sanctæ rigor! ubi  
illi Sancti Sacerdotes? qui  
Cœlestem in terris scribun-  
tur duxisse vitam? ubi tri-  
stra familiaritas cum Deo  
ubi

ubi sibilus aureæ tenuis, &  
susurri Divini loquentis ad  
cor? ubi mutua meliorum  
charismatum æmulatio, &  
ad ostendendam viam, quæ  
ducit ad perfectionem Chri-  
stianam, fervens contentio?

Nōne ita evanescere omnia,  
ut solum præteritorū remā-  
serit honorabilis memoria,  
& pauca ad præsens vestigia.  
Prægrandē hanc adeo ruinā  
pulchrè descripsit Propheta:  
comminuetur, sicut conteritur *Isa. 30. v. 14.*  
lagena figuli contritione præ-  
valida: & non invenietur de  
fragmentis ejus testa, in qua  
portetur igniculus de incendio,  
aut hauriatur parum aquæ de  
fovea.

O tempora! o mores! qui  
hīs adimpleta venit Prophe-  
tia Ezechielis Prophetæ v. 2.

Br

Pa

**Ezech.** 34. **Pastoribus, qui pascunt semet-**  
**ipso:** nonne greges à Pastoribus  
pascuntur? Lac comedunt, &  
lanis operiuntur, & quod cras-  
sum est, occidunt, gregem au-  
tem meum non pascunt. Quod  
infirmum est non consolidant,  
& quod egrotum, non sanant.  
& quod confractum est, non  
alligant, & quod abjectum  
est, non reduciunt, & quod pe-  
rierat, non quarunt: Audite  
ergo Pastores verbum Domini  
vivo ego, dicit Dominus Deus,  
quia pro eo, quod facti sunt  
greges mei in rapinam, & o-  
ves mee in devorationem o-  
mnium bestiarum agri: hac di-  
cit Dominus Deus: ecce ego  
ipse super Pastores requiram  
gregem de manu eorum.

Pulchrè alloquitur nos S.  
**S. Greg. lib. 27. Gregori 9. ecce Miedus Sacer-**

cer-



dotibus plenus est, sed tamen in mes-  
se Dei rarus valde invenitur operator:  
quia Officium quidem Sacerdotale susci-  
pimus, sed opus Officii non implemus.  
Fructus quidem Sanctæ Ecclesiæ in di-  
spendio quotidiano recipimus, sed tamē  
pro æterna Ecclesia minimē in prædica-  
tione laboramus. Pensemus ergo cujus  
damnationis sit, sinē labore hic percipe-  
re mercedem laboris. Pensemus, cujus  
sit apud Deum criminis, peccatorum  
pretium manducare, Et nihil contra  
peccata prædicando agere. Pensemus  
ergo, qui unquam per linguam nostram  
conversi? qui de perverso suo opere no-  
stra increpatione correpti penitentiam  
egerunt? quis luxuriam ex nostra eru-  
ditione deseruit? quis avaritiam? quis  
superbiam declinavit? Pensemus, quod  
lucrum Deo facimus nos, qui accepto  
salento ab eo ad negotium missi sumus.  
Etenim dicit: negotiamini dum venio.  
Ecce jam venit, ecce de nostro negotio

lucrum requirit. Quale ei animarum lucrum de nostra negotiatione monstrabimus? Quot ejus conspectui animarum manipulos de predicationis nostrae segere illaturi sumus? Pensemus, & pensemus nos omnes serio. Quid est hoc? quod **Prov. 16. v. 11** dicit Salomō: pondus & statera sunt judicia Domini: si non hoc, quod legimus in **Luc. 12. v. 48** evangelio: cui multum datum est, multum quæretur ab eo: & cui commendaverunt multum, plus petent ab eo. Seu **S. Hier. 1. per Isai. 32** ut dicit S. Hieronymus: vulgus indoctum in die Judicii tanquam gith & cimmū corripietur virgâ & baculo, Sacerdotes autem magnis suppliciis torquebuntur: & hoc Domini fiet judicio, qui ostendit in cunctis mirabile  
con-

consiliū suū, & iustitiæ  
veritatem, ut qui plus acce-  
perunt, plus exigatur ab eis.

Ego jam ad colophonem  
sermonem meum dirigens,  
cū vobis quædam verba  
de Dignitate Sacerdotali ex  
S. Laurentio Justiniano pau-  
lō suprā adduxi, placeat vo-  
bis ejusdem S. Doctoris pau-  
ca verba, cur ad hunc statū,  
& in hanc sortem vocati su-  
mus? perlibenter auscultari.

Dicit ille: *Sacerdotes quoniā S. Laur. Iust.*  
*Angelorum, sive adstantium,* <sup>*ubi supra.*</sup>  
*sive ministrantium vice fun-*  
*gantur, potiūs Angelicā, quā*  
*humanam debent conversati-*  
*onem habere. Accedat igitur*  
*Sacerdos ad Altaris Tribunal,*  
*ut Christus: assistat, ut Ange-*  
*lus: ministret, ut Sanctus: po-*  
*pulorum offerat vota, ut Pon-*  
*ti-*

2. Petr. i.  
v. 10.

arbitrator: interpellat pro pace, ut  
Mediator: pro se autem exor-  
ret, ut homo. Huic expedit  
ut Divinae laudis sit amator,  
religiosus in se, humilis corde,  
& erga proximorum errata  
cōpassione cōpunctus. Ad extre-  
mum attendamus, quomodo  
adhortetur nos, Principulus  
Apostolorum Petrus - qua-  
propter Fratres magis satagi-  
te, ut per bona opera certamini  
vestri a vocatione, & electione  
faciatis. sic enim abundanter  
ministrabitur vobis introitus  
in aeternum Regnum Domini  
Nostri, & Salvatoris JESU  
Christi - Ad quod nos per-  
ducant merita & Passio Ejus.

A  
M E  
N.



# MEDITATIONES

## *ex Sacra Scriptura*

### de Sacerdotio.

---

## MEDITATIO I.

*de Sacerdotii dignitate.*

### Punctum I.

*Christus instituit Sacerdotes.*

**V**Ois estis Sal terræ: \*

vos estis Lux Mundi, *Matth. 5.*

\* Fratres mei, \* Amici mei, *Luc. 8.*

\* Piscatores hominū, \* Ge. *Matth. 4.*

nus electum, Regale Sacer. *1. Petr. 2.*

dotium, Gens sancta, Popu-

lus acquisitionis: ut virtu-

tes annuntietis ejus, qui de

tenebris vos vocavit in ad-

mirabile lumen suum. \* Ego *Psal. 81.*

dixi: Dii estis, & Filii Ex-

celsi omnes. \* Sicut dilexit *Joan: 15.*

me Pater, & ego dilexi vos: \* *v. 15.*

*In Sacerdotii institutione dignitas petitur  
ex vocatione sublimi.*

**Luc. 8.** vos dixi amicos quia omnia  
quæcunque audivi à Patre  
meo, nota feci vobis. \* Vo-

**Joann. 15.** bis datum est nosse mysteri-  
um Regni Dei. \* Non vos  
me elegistis: sed ego elegi

**Hebr. 8.** vos, & posui vos, ut eatis,  
& fructum afferatis, & fru-  
ctus vester maneat. \* Nec  
quisquam sibi sumit honorẽ,  
sed qui vocatur à Deo tan-  
quam Aaron.

**Matth. 18.** ☩ Data \* est mihi omnis  
potestas in Cælo & in terra.

**v. 19.** \* Euntes ergo docete omnes  
gentes, baptizantes eos in  
nomine Patris, & Filii, & Spi-

**Marc. 16.** ritus Sancti. \* Euntes in  
Mundum universum, prædi-  
cate Evangelium omni cre-

**v. 16.** aturæ. \* Qui crediderit &  
baptizatus fuerit, salvus e-  
rit: qui verò non crediderit,  
condemnabitur.

☩ Ex potestate docendi & baptizandi.


**Sicut** \* misit me Pater, **JOANI 20.**  
& ego mitto vos. \* Accipi **v. 22.**  
te Spiritum Sanctū. \* Quo. **v. 23.**  
rum remiseritis peccata, re-  
mittuntur eis, & quorum  
retinueritis, retenta sunt.

**Caro** \* mea verè est ci- **v. 56.**  
bus, & Sanguis meus verè  
est potus. \* Venite, comedi- **Prov: 9.**  
te panem meum. \* Accipite **1. Cor: 11.**  
& manducate, hoc est Cor-  
pus meum, quod pro vobis  
tradetur: hoc facite in meā  
commemorationem. \* Bibi- **Prov: 9.**  
te vinum, quod miscui vo-  
bis: \* bibite ex hoc omnes, **Matth: 26.**  
hic est enim Sanguis meus  
novi testamēti, qui pro mul-  
tis effundetur in remissionē  
peccatorum. \* Hoc facite, **1. Cor: 11.**  
quotiescunq; bibetis, in me

**C** **ad**

**Tunc remittendi, retinendūque peccata**  
**At præsertim sacrificandi Corpus & Sanguis**  
**domini Christi.**

am cōmemorationē; \* quotiescunque enim manducabitis panem hunc, & calicē bibetis: mortem Domini annuntiabitis, donec veniat.

*Matth: 5.*  Luceat \* lux vestra.

*1. Mach. 16.* coram hominibus. \* Estote

*Psal: 81.* loco meo. \* Dii estis, & fi-

*Matth: 10.* lii Excelsi omnes. \* Nos vos

estis, qui loquimini: sed Spiritus Patris vestri, qui lo-

*Luce 10.* quitur in vobis. \* Dicite

illis: appropinquavit in vos

*2. Cor: 5.* Regnum Dei. \* Pro Christo

legatione fungimur, tanquā

*Matth: 28.* Deo exhortāte per nos. \* Et

ecce ego vobiscū sum omni-


bus diebus usque ad consum-

*et cap. 10.* mationem sæculi. \* Qui re-

cipit vos, me recipit: & qui

me recipit, recipit eum, qui

me

 Et ex ipsius divina persona, quam sustinent  
Sacerdotes in omnibus his functionibus.



me misit. \* Qui vos audit, *Luce 10.*  
me audit : & qui vos sper-  
nit, me spernit. Qui autem  
me spernit, spernit eum, qui  
misit me.

---

## Punctum II.

*Sacerdos expendit humiliter  
tantam in se dignitatem.*

**B**enedicite \* Sacerdos *Daniel: 9.*  
tes Domini Domino :  
laudate & superexaltate eū  
in sæcula. \* Qui dilexit nos *Apo: 12*  
& lavit nos à peccatis nostris  
in sanguine suo : & fecit  
nos regnū & Sacerdotes Deo  
& Patri suo : ipsi gloria &  
imperium in sæcula sæculo-  
rum : Amen. \* Benedicite *Dan: 9.*  
servi Domini Domino : lau-  
date & superexaltate eum.

C2

in

*Sacerdos invitatur alios sacerdotes & populum  
ad benedicendum Deo pro tanto beneficio.*

Matth. 9. in sæcula, \* qui dedit pote-  
Hebr. 1. statem talem hominibus; \*

Matth. 16. cui enim dixit aliquādo An-  
gelorum? \* Tibi dabo &  
claves Regni Cœlorum, &  
quodcunque ligaveris super  
terrā, erit ligatū & in Cœ-  
lis: & quodcunque solveris  
super terram, erit solutum.

Hebr. 1. & in Cœlis. \* Nonne omnes  
sunt administratorii Spi-  
ritus, in ministerium missi  
propter eos, qui capient hæ-  
reditatē salutis? \* Habemus  
6 ap. 13. Altare, de quo, edere non  
habent potestatem.

Coloss. 4. Vide \* ministerium, quod  
accepisti à Domino.

Psal. 109. \* Tu es Sacerdos.

Genes. 14. \* Sacerdos Dei Altissimi.

2. Mach. 1. \* Ex genere christorum Sa-  
cerdotum.

An-

que præ Angelis afficitur homo.

unde seipsum & suspicit.

\* Angelus Dñi exercituum *Malachi 2.*

\* Homo Dei. *1. Tim: 6.*

\* Protector salvationum. *Psal: 27.*

Christi.

\* Assimilatus autem Filio *Hibr: 7.*

Dei, \* & ejus, quæ in futuro revelanda est, gloriæ cō-  
municator.

\* Sic pulchra ante ipsum. *Ecclesi 45.*  
non fuere talia, usque ad o-  
riginem.

*Vide ministerium, quod  
accepisti à Domino.*

\* A, a, a, Domine Deus: *Jerem: 1.*  
ecce nescio loqui, quia puer  
ego sum, \* vir pollutus la- *Isai: 6.*  
biis, \* nihil quidem habens. *Math: 4.*  
dignum Sacerdotiō. \* Quis *1. Reg: 18.*  
ego sum, aut quæ vita mea.

*Vide ministerium, quod ac-  
cepisti à Domino. \* Quis Do- Psal: 113.*  
minus Deus noster, qui in  
altis habitat, \* & humilia

*et humiliat.*

69

16-

respicit in Coelo & in ter-  
ra? \* Sulcitans à terra ino-  
pem, & de stercore erigens  
pauperem: ut collocet eum  
cum Principibus, cum Prin-  
cipibus populi sui.

**Eccl. 47.** \* Factum est illi testamē-  
tum æternum, fungi Sacer-  
dotiō, & habere laudem, &  
glorificare populum suum in

**v. 20.** nomine ejus. \* Ipsum ele-  
git ab omni vivente offerre  
Sacrificium Deo, incensum,  
& bonum odorē, in memo-  
riam placare populo suo: \*

**v. 21.** & dedit illi in præceptis su-  
is potestatē, in testamentis  
judiciorū, docere Jacob te-  
stimonia, & in lege sua lucē  
dare Israël.

**1. Par. 17.** \* Quis ego sum Domine De-  
us, ut prestares mihi talia?

**1. Reg. 8.** \* Quid enim sum, ut faciā  
rem istā magnā? ME.



# MEDITATIO II.

*De disciplinæ Sacerdotalis legibus.*

---

## Punctum I.

*Christus docet Sacerdotes:*

*Prima Lex.*

*Fuga Mundi.*

**A**udite \* hoc Sacerdotes. *Osa 5.*  
\* Ego non sum de *Joan. 17.*  
Mundo. \* De Mundo non *& cap: 15.*  
estis, sed ego elegi vos de  
Mundo: \* propter quod exi *2. Cor. 6.*  
te de medio eorum, & sepa-  
ramini; \* recedite, *& rece Isai. 52.*  
dite, exite inde: pollutum  
nolite tãgere: mūdāmini qui  
fertis vasa Domini: \* nolite *Lev. 11.*  
contaminare animas vestras;  
ne immundi sitis; \* ego *v. 44.*  
nim sum Dominus Deus ve-

**C4** ster;

**E**rgo Fuga saculi, complectitur contemptū voluptatū.

1. Thim 4. fier, sancti estote, quoniam  
ego Sanctus sum: \* ut sciat  
unusquisque vestrum, vas su-  
um possidere in sanctifica-  
tione & honore. \* O quam  
pulchra est generatio cum  
claritate! \* in perpetuū co-  
ronata triūphat coinquina-  
torum certaminum præmiū  
vincens.

Marc. 12. \* Cavete, & à Scribis, qui  
volunt in stolis ambulare, &  
salutari in foro, & in primis  
cathedris sedere in Synago-  
gis, & primos discubitus in  
cœnis: \* quia hi, qui vidē-  
tur principari gentibus, do-  
minantur eis & Principes e-  
orum potestatem habent ipso-  
rum; non ita autem est in  
vobis: sed quicumque volu-  
erit fieri major, erit vester  
minister: & quicumque vo-

¶ Honorum,

lu-

luerit in vobis primus esse,  
erit omnium servus; nam &  
Filius hominis non venit ut  
ministraretur ei, sed ut mi-  
nistraret.

**Videte,** \* & cavete ab *Luc. 12.*  
omni avaritia: \* nolite facere *Joann. 2.*  
domum Patris mei, domum  
negotiationis: \* gratis acce- *Matth. 10.*  
pistis, gratis date; \* ne quis *Hebr. 12.*  
profanus ut Esau, qui pro-  
pter unam escam, vendidit  
primitiva sua: \* Pascite, qui *1. Petrus.*  
in vobis est, gregē Dei, pro-  
videntes non coactē, sed spō-  
taneē secundū Deum: neq̃  
turpis lucri gratiā, sed vo-  
luntariē: \* nequē ut domi- *v. 3.*  
nantes in Cleris, sed forma-  
facti gregis ex animo; \* & *v. 4.*  
cū apparuerit Princeps Pa-  
storum, percipietis immar-  
cescibilem glorię coronam.

**Edixitque** C.

**Pun**

## Punctum II.

### Secunda Lex.

#### *Unio cum Christo.*

*Exod: 22.* **V**iri \* sancti eritis mi-

*Levit: 10.*

hi : \* oleum quippe  
sacrae unctionis est super vos;

*1 Cor. 20.* \* eritis mihi sancti, quia Sa-  
ctus sum ego Dominus: & se-  
paravi vos à populis, ut es-

*Num: 18* setis mihi. \* Custodite Sa-  
cerdotium vestrum.

*Joan: 15.* \* Ego sum vitis vera, &

*v. 2.* Pater meus Agricola est: \*

*& sequ.* omnem palmitē in me non  
ferentē fructum, tollet eum;

& omnem qui fert fructū;

purgabit eum, ut fructum

pleno afferat. Manete ~~in~~ in me

& ego in vobis: sicut pal-

mes non potest ferre fructū

à semetipso, nisi māserit in vi-

tes;

*Ex unione cū Christo oriuntur: fiducia in Deū.*




te; sic nec vos, nisi in me  
manseritis.

**E**go sum vitis, vos pal-  
mites: qui manet in me, &  
ego in eo, hic fert fructum  
multum: quia sine me nihil  
potestis facere. **S**i quis in  
me non manserit, mittetur  
foras sicut palmes, & arefcet,  
& colligent eum, & in igne  
mittent & ardet.


In hoc clarificatus est Pa-  
ter meus, ut fructu plurimu  
afferatis, & efficiamini mei  
Discipuli. Sicut dilexit me  
Pater, & ego dilexi vos; ma-  
nete in dilectione mea. **S**i  
præcepta mea servaveri-  
tis, manebitis in dilectione  
mea, sicut & ego Patris mei  
præcepta servavi, & maneo  
in ejus dilectione. Ut quod

**D**ifidentia sui, spes, & fructus plurimi, ut  
Humilitas, & Amor DEI. eun-

eunq; petieritis Patrē in nō-  
mine meo, det vobis.

*Matth. 18.*  Iterum \* dico vobis ,  
quia si duo ex vobis consen-  
serint super terram, de omni  
re, quamcunque petierint ,  
fiet illis à Patre meo, qui in  
Coelis est, ubi enim sunt duo  
vel tres congregati in nomi-  
ne meo , ibi sum in medio

*Joann. 16.* eorum. \* Et non dico vo-  
bis , quia ego rogabo Patrē  
de vobis: ipse enim Pater a-  
mat vos, quia vos me amā-  
stis, & credidistis, quia ego  
à Deo exivi.


 *Vas Oratōis*


---

### Punctum III.


Tertia Lex.

*Vita Apostolica.*

*Luca. 12.*  Ignem \* veni mittere.

 *Ad vitam Apostolicam hæc sunt in primis ne-  
cessaria, Zelus animarum.*

in terram, & quid volo, ni-  
si ut accendatur. \* Euntes *Marci 16.*  
in Mundum universum præ-  
dicare Evangelium omni cre-  
aturæ. \* Ite igitur, & succē- *1. Reg: 14.*  
dite eum igni. \* Quoscun *Matth: 22.*  
que inveneritis, vocate ad  
nuptias: \* ut impleatur do- *Luca 14.*  
mus mea. \* Quoniam vos *Judith 8.*  
estis Presbyteri in populo Dei,  
& ex vobis pendet anima  
illorum, ad eloquium vestrum  
corda eorum erigite, \* ne *Num: 18.*  
& illi moriantur, & vos pe-  
reatis. \* Sic non est volun *Matth: 18.*  
tas ante Patrem vestrum qui  
in Coelis est, ut pereat unus  
de pusillis istis. \* Vosmetip *Inda ep.*  
sos in dilectione Dei serva-  
te: illos verò salvate, de i-  
gne rapientes.


 Numquid \* potest cæ- *Luca 6.*  
cus cæcum ducere? nonne

**Matth: 5.** ambo in foveam cadent ? \*

**Lev: 19.** Vos estis lux Mundi : \* ha-  
beatis scientiam discernendi  
inter sanctum & profanum,  
inter pollutum & mundum:  
doceat. s. q. filios Israël omnia

**2. Petri 3.** legitima mea: \* parati sem-  
per ad satisfactionem omni-  
poscenti vos rationē de ea,  
quæ est vobis, spe, sed cum

**Malach: 2.** omni modestia \* Labia Sa-  
cerdotis custodient scientiā,  
& legem requirent ex ore  
ejus: quia Angelus Domini  
exercituum est.

**Matth: 10.**  Ecce \* ego mitto vos,  
sicut oves in medio luporū.  
Estote ergo prudentes sicut  
serpentes, & simplices sicut  
columbæ. Cavete autem ab  
hominib9: eritis odio omni-  
bus propter nomen meum.


Si

 Audax & patiens libertas Spiritus



Si Mundus vos odit, scitote,  
quia me priorem odio habu-  
it. \* Ne ergo timueritis eos. *Joan: 15.*

\* Quod dico vobis in tene- *Matth: 10.*  
bris, dicite in lumine: & quod  
in aure auditis, prædicate  
super tecta; & nolite time-  
re eos, qui occidunt corpus,  
animam autem non possunt  
occidere.

 Si \* quis mihi ministrat, *Joan: 12.*  
me sequatur: & ubi ego sū,  
illic & minister meus erit.

\* Qui non accipit crucem *Matth: 10.*  
suam, & sequitur me, non  
est me dignus. \* Si quis ve- *Luce 14.*  
nit ad me, & non odit Pa-  
trem suum, & matrem, &  
fratres, & sorores, adhuc au-  
tem & animam suam, non  
potest meus esse discipulus.  
Et qui non bajulat crucem  
suam, & venit post me, non

 Mortificatq.

po-

**Joan: 12.** potest meus esse discipulus.

\* Amē, amē dico vobis: nisi granum frumenti cadens in terram mortuum fuerit, ipsum solum manet: si autem mortuum fuerit, multum fructum adfert.

---

### MEDITATIO III.

*De Sacerdotii profanatione*

#### Punctum I.

*Christus increpat prævairatores Sacerdotes.*

**Apos: 1.** \* *Audiui post me vocem magnam tanquam tubæ dicē-  
tis: quod vides scribe.*


*Angelo Ecclesie NN. scribe:*

**SC**io opera tua, & laborem, & patientiam tuam, & quia non potes sus-  
si-

**SC** *Christus increpat Sacerdotem, salatis aliorum  
capidum, & sua immemorem*

stinere malos, & non defici-  
sti: sed habeo adversum te;  
quod charitatem tuam pri-  
mam reliquisti: memor esto  
itaque unde excideris, & age  
poenitentiam, & prima ope-  
ra fac; si autem, venio ti-  
bi, & movebo candelabrum  
tuum de loco suo, nisi poeni-  
tentiam egeris.


*Et Angelo Ecclesie NN. scribe.*

 Tenes nomen meum, &  
non negasti fidem meam. Sed  
habeo adversum te pauca:  
quia habes illic tenentes do-  
ctrinam Balaam, doctrinam  
Nicolaitarum. Poenitentiam  
age: si quo minus, veniam  
tibi dabo, & pugnabo cum  
illis in gladio oris mei.

*Et Angelo Ecclesie NN. scribe.*

D



 Sacerdotem amicum Novatorum & Hereticorum.

Novi opera tua, & fidē,  
& charitatem tuam, sed ha-  
beo adversus te pauca: quia  
permittis mulierem Jezabel,  
quæ se dicit Propheten, do-  
cere, & seducere servos meos  
*Et Angelo Ecclesiæ NN scribe.*

Scio opera tua, quia  
nomen habes quòd vivas, &  
mortuus es. Esto vigilans,  
& confirma cætera quæ mo-  
ritura erant: non enim in-  
venio opera tua plena corā  
Deo meo. In mente ergo ha-  
be, qualiter acceperis, & au-  
dieris, & serva, & poenitē-  
tiam age. Si ergo non vigi-  
laveris, veniā ad te tanquā  
fur, & nescies, quā horā ve-  
niam ad te.

*Et Angelo Ecclesiæ NN. scribe.*

Sacerdotē malè cantū in dirigendis mulieribus.

Sacerdotē vitiosū & hypocritā,

¶ Quia modicā habes virtutem, & servāsti verbum meum, & non negāsti nomē meum, ego servabo te ab hora tentationis. Ecce venio citò: tene quod habes, ut nemo accipiat coronā tuā.

*Et Angelo Ecclesiæ NN. scribe.*

¶ Scio opera tua, quia neque frigidus es, neque calidus: utinam frigidus esses, aut calidus: sed quia tepidus es, & nec frigidus, nec calidus, incipiam te evomere ex ore meo. Quia dicis, quod dives sum, & locupletatus, & nullius egeo: & nescis quia tu es miser, & miserabilis, & pauper, & cæcus, & nudus. Suadeo tibi emergere à me aurum ignitum probatū, ut


*Deus lo-*


¶ *Sacerdotem modica virtutis.*

¶ *Sacerdotem tepidum & erroneā conscientia.*




locuples fias, & vestimentis  
albīs induaris, & non appa-  
reat confusio nuditatis tuæ:  
& collyriō inunge oculos tu-  
os, ut videas. Ego quos a-  
mo, arguo & castigo. Æmu-  
lare ergo, & pœnitent. ā age.

*Psal: 49*  Quare \* tu enarras ju-  
*ps. 16. & seqq* stitias meas, & assumis te-  
mentum meum per os tuū?  
Tu verò odisti disciplinam:  
& projecisti sermones meos  
retrosum. Si videbas furē,  
currebas cum eo, & cum ad-  
ulteris portionem tuam po-  
nebas. Os tuum abundavit  
malitiā: & lingua tua con-  
cinnabat dolos. Sedens ad-  
versus fratrem tuum loque-  
baris: & adversus filium ma-  
tris tuæ ponebas scandalū.  
Hæc fecisti, & tacui. Exi-  
ti-

 Sacerdotem Legis Divinae rerum & præconem.

stimâsti iniquè, quòd ero tui  
similis: arguam te & statu-  
am contra faciem tuam. In-  
telligite hæc, qui oblivisci-  
mini Deum: ne quando rapi-  
at, & non sit, qui eripiat.  
Sacrificium laudis honorifi-  
cabit me: & illic iter, quo  
ostendam illi salutare Dei.

 \* Si nolueritis audire, *Malach: 2d*  
& si nolueritis ponere super *v. 2. & seqq*  
cor, ut detis gloriam nomi-  
ni meo, mittam in vos ege-  
statem, & maledicam be-  
nedictionibus vestris, & ma-  
ledicam illis: quoniam non  
posuistis super cor. Ecce e-  
go projiciam vobis brachiū,  
& dispergam super vultum  
vestrum stercus solennitatū  
vestrarum. Et scietis, quia  
misi ad vos mandatum istud:

D3

ut,

 Sacerdotes omnes simul prevaricatores.

ut esset pactum meum cum  
Levi. Pactum meum fuit  
cum eo vitæ & pacis: & de-  
di ei timorem, & timuit  
me, & à facie nominis mei  
pavebat. Lex veritatis fuit  
in ore ejus, & iniquitas nō  
est inventa in labiis ejus: in  
pace & in æquitate ambu-  
lavit mecum, & multos a-  
vertit ab iniquitate. Labia  
enim Sacerdotis custodient  
scientiam, & legem requi-  
rent ex ore ejus: quia Ange-  
lus Domini exercituum est.  
Vos autem recessistis de via,  
& scandalizastis plurimos in  
lege: irritum fecistis pactū.  
Propter quod & ego dedi  
vos contemptibiles, & hu-  
miles omnibus populis, si-  
cut non servastis vias meas.

## Punctum II.

*Prævaricator Sacerdos.*

*miserum vitæ suæ sta-  
tum expendit.*

**E**Go \* vir videns pau- *Thren: 3.*  
pertatem meam, \* *2. Mach: 4.*  
nihil quidem habens dignū  
Sacerdotiō, \* homo aposta *Proverb: 6.*  
ta, vir inutilis, \* diligens *2. Tim: 4.*  
hoc sæculum, \* reversus ad *2. Petr: 2.*  
vomitum, \* reus Corporis, *1. Cor: 11.*  
& Sanguinis Domini, \* Pe- *Proverb: 5.*  
ne fui in omni malo, in me-  
dio Ecclesiæ.

\* Inveterate dierum malo *Daniel: 13.*  
rum, \* cur tentavit satanas  
cor tuum, mentiri te Spiri- *Act: 5.*  
tui Sancto, \* violare sancta  
& polluere tabernaculum? *Judith: 9.*  
\* Semen Chanaan, & non Ju- *Daniel: 13.*

D4      da,

**S**acerdos seipsum in multis reum agnoscit & ac-  
cusat coram Deo.

da, species decepit te, & cō-  
cupiscentia subvertit cor tu-

9 Reg: 12. uni. \* *Blasphemare fecisti i-  
nimos Domini propter ver-  
bum hoc.*

Psal: 51. \* *Ecce homo, qui non pe-  
luit Deum adiutorem suū :  
sed speravit in multitudine  
divitiarum suarum : & præ-*

Osa 8. *valuit in vanitate sua : \* mul-  
tiplicavit altaria ad peccan-  
dum : factæ sunt ei aræ in-*

Astor: 8. *delictum. \* Pecunia tua sit  
in perditionem, quoniã do-  
num Dei existimasti pecuniã  
possideri: Blasphemare feci-  
sti inimos Domini, propter  
verbum hoc.*

Thren: 4. *Quomodo \* obscuratū  
est aurum, mutatus est color  
optimus? Filii Sion inclyti,*

&

*Obstrepescit pro pudore, comparans presentem  
statum cum statu præterito.*



& amicti aurô primô, quomodo reputati sunt in vasa testa? Qui vescebantur voluptuosè, interierunt in vis: qui nutriebantur in croceis, amplexati sunt stercora. Candidiores Nazaræi ejus nive, nitidiores lacte, rubicundiores ebore antiquo, sapphirô pulchriores. Denigrata est super carbones facies eorum.

\* Hæc est sors tua.

*Isai 57.*

\* *Quomodo cecidisti de Cœ. & cap: 14. lo Lucifer, qui mane oriebaris? corruisti in terram, qui dicebas in corde tuo: in Coelum conscendam, super astra Dei exaltabo solium meum, sedebo in monte testamenti, similis ero Altissimo, dicebas. Verumtamen ad infernum detraheris, in profun-*

*Ds*

*dum*


dum lacis, qui te viderint,  
ad te inclinabuntur, teque  
prospicient, numquid iste est  
Vir! Et tu vulneratus es, si-  
cut & nos, nostri similis ef-  
fectus es. \* Sicut populus, sic  
& cap: 24. Sacerdos.

Ezech: 28. 1. Quomodo cecidisti? \* Tu si-  
12. & sc: 42. gnaculum similitudinis, plen-  
nus sapientiâ, & perfectus  
decore; in deliciis paradisi  
fuiſti: omnis lapis pretiosus  
operimentum tuum; tu Che-  
rub extentus & protegens,  
perfectus in viis tuis à die  
conditionis tuæ, donec in-  
venta est iniquitas in te: per-  
didisti sapientiam tuam in  
decore tuo: in multitudine  
iniquitatum tuarum pollui-  
ſti ſanctificationem tuam;  
Ezech: 47. \* dedisti maculam in gloria  
tua.

Quo-


*Quomodo cecidisti? \* Ecce Job 4:*


docuisti multos, & manus  
lassas roborasti: vacillantes  
confirmaverunt sermones tui,  
& genua trementia confor-  
tasti: Nunc autem ubi est  
timor tuus, fortitudo tua,  
patientia tua, & perfectio  
viarum tuarum?

 Destituta \* sunt tantæ *Apo: 18.*  
divitiæ.

\* O plene omni dolo & o- *Act: 13.*  
mni fallacia: fili diaboli: i-  
nimice omnis justitiæ. Us-  
quequo non desinis perver-  
tere vias Domini rectas?

\* Numquid qui cadit, non *Jerem: 8.*  
resurget? & qui aversus est,  
non revertetur?

 Vigilavit \* jugum in *Tren: 1.*  
quitatum mearum: infirma  
ta

 Cogitat de conversione, *ut* sed ab omni par-  
te sentit & timeat ejus difficultatē maximā;

ta est virtus mea: dedit me  
Dominus in manu, de qua  
non potero surgere. Idcirco  
ego plorans, & oculus meus  
deducens aquas: quia longè  
factus est à me consolator,  
\* cap: 3. convertens animā meam. \*

Repulsa est à pace anima mea  
*Job 33.* \* abominabilis ei sit in vita  
sua panis, cibus antè deside-  
rabilis.

*Tren: 3.* \* Dixi: periit finis meus,  
*Hebr: 6.* & spes mea à Domino. \* Im-  
possibile est, eos, qui semel  
sunt illuminati, gustaverunt  
etiam donū Coeleste, & par-  
ticipes facti sunt Spiritus S.  
gustaverunt nihilominus bo-  
num Dei verbum, virtutes-  
que sæculi venturi, & prola-  
psi sunt, rursus renovari ad  
poenitentiā, rursus crucifiē-  
tes sibi metipsis Filiū Dei, &  
ostentui habentes. \*

\* Voluntariè enim peccan- & cap: 103  
tibus post acceptam notitiā  
veritatis, jam non relinqui-  
tur pro peccatis hostia. \* Quo. Lev: 10.  
modo potui comedere eam?

\* Peccavi tradens sanguinē Matth: 27  
justum, \* reus Corporis & 2. Cor: 11  
Sanguinis Domini: \* non se 4. Reg: 6.  
mel, neque bis: \* non dico Matth: 18  
usque septies, sed usque se-  
ptuagesies septies: Jam non  
relinquitur pro peccatis ho-  
stia.

¶ Spera \* in Deo tuo sem Osa 12.  
per. \* Quæ impossibilia sūt Matth: 18  
apud homines, possibilia sūt  
apud Deum.

\* Habentes ergo Pontificē Hebr: 4  
Magnum, qui penetravit  
Coelos, Jesum Filium Dei,  
teneamus confessionem; non  
enim habemus Pontificē, qui  
non

¶ Sciamus excitat ad fiduciā in Divinā misericordiā



non possit compati infirmitatibus nostris: tentatum autem per omnia pro similitudine absque peccato. Adeamus ergo cum fiducia ad thronum gratiæ, ut misericordiã consequamur; & gratiã inveniam9 in auxilio opportuno

## CONCLUSIO MEDITATIONIS.

*Penitentis Sacerdotis Oratio,  
ad Jesum Sacerdotẽ Magnũ.*

*Zach: 3. \* Audi Jesu Sacerdos Magne,*  
*2. Petr: 5. gne, \* Princeps Pastorum,*  
*Psal: 109. \* Sacerdos in æternũ, \* cu-*  
*Ephes: 3. jus factus sum Minister secũ-*  
*dũ donum gratiæ Dei, quæ*  
*data est mihi secundũ ope-*  
*rationẽ virtutis ejus.*

*Audi Jesu Sacerdos Magne,*  
*Hebr: 7. \* semper vivens ad interpel-*  
*lan-*

landum pro nobis. *Audi: \* Psal: 85.*

Domine miserere mei.

*\* Sana animam meam, quia* *Psal: 40.*

*paccavi tibi. \* Peccavi, tra-* *Matth: 27.*

*dens sanguinē iustum, \* re-* *2. Cor: 11.*

*us Corporis, & Sanguinis*

*Domini.*

*Sana animam meam. \* Do-* *Matth: 8.*

*mine, non sum dignus, ut in-*

*tres sub tectum meum. sed*

*tantūm dic verbo, & sana-*

*bitur.*

*Tantūm dic verbo. \* Lo* *1. Regi 3.*

*quere Domine, quia audit*

*servus tuus. \* Dic animæ* *Psal: 34.*

*meæ: salus tua ego sum: &*

*sanabitur.*

*Domine, non sum dignus, \* Eccl: 45.*

*offerre sacrificium Deo, incē-*

*sum, & bonum odorem, in*

*memoriam placare in popu-*

*lo. Sed tantūm dic verbo: \* Matth: 9.*

*Fili, remittuntur tibi pecca-*

*ta tua.*

*Lucā 17.* \* Jam non sum dignus vocari Filius tuus; fac me sicut unum de mercenariis tuis.

*Psal: 25.* is. \* Ne perdas cum impiis Deus animam meam, & cum viris sanguinum vitam meam: \* custodi animam meam, quoniam sanctus sum.

*Psal: 42.* \* Judica me, Deus, & discerne causam meam de gente non sancta, ab homine iniquo & doloso erue me; quia tu es DEUS fortitudo mea: quare me repulisti? & quare tristis incedo, dum affligit me inimicus? *Emitte lucem tuam & veritatem tuam:* ipsa me deduxerunt, & adduxerunt in montem sanctum tuum, & in tabernacula tua. *Emitte*, & introibo ad Altare Dei, ad Deum, qui laetificat juventutem meam.

Con-

33  
Confitebor tibi in citha-  
ra Deus Deus meus: quare  
tristis es anima mea, & qua-  
re conturbas me? Spera in  
Deo, quoniam adhuc confi-  
tebor illi: salutare vultus  
mei, & DEUS meus.

\* Domine, quando respi. *Psal: 34.*  
cies? restitue animam meā.  
Confitebor tibi in Ecclesia  
magna, in populo gravi lau-  
dabo te: \* narrabo nomen *Psal: 20.*  
tuum fratribus meis, in me-  
dio Ecclesiae laudabo te. \* Do- *Psal: 50.*  
cebo iniquos vias tuas, &  
impii ad te convertentur.

\* Quamdiu quidē ego sum, *Rom: 11.*  
ministerium meum honori-  
ficabo. \* Et libētissimē im- *2. Cor: 12.*  
pendam, & super impendat  
ipse pro animabus.

\* Fiat, fiat.

*Psalma: 33.*



2. Tim: 1. \* Fidelis sermo &  
omni acceptione di-  
gnus: quod Christus  
JESUS venit in hunc  
Mundum peccatores  
salvos facere,

*quorum primus  
ego sum.*





&  
di-  
tus  
n  
es  
s



